

古今事文類聚

外集
一之五

~~89
85~~

道通文庫
文庫 6
28
85





新編古今事類聚外集卷之一

南江 富大用 時可 編

金陵 唐富春 子和 刊

東宮官部

三師二少

歷代沿革 **三王** 教世子立太傅少傅以養之 **文王** 世子入則有保出則有師成王幼在襁褓太公為太師漢高帝九年以叔孫通為太子太傅位次太常後漢太傅一人中二千石禮如師不領官屬少傅二千石悉主太子官屬魏太傅於太子不稱臣少傅稱臣晉咸寧中備六傅之職東晉以景帝諱師故

事類彙編

卷之一

改大師為太保。梁三少各一人掌奉皇太子以觀三師之德。
後齊以大師太傅太保為三師。少師少傅少保為三少。唐三
師三少官不必備。唯其人無其人則闕之。太子大師太傅太
保各一人。從一品。少師少傅少保各一人。從二品。宋師傅不
常設。仁宗升儲置三少各一人。李文定公以叅知政事兼掌
賓客。及陞左相遂進兼少傅。此宰相兼官僚之所從始也。下
謂兼少師馮拯兼少傅曹利用兼少保。是時實為東官官餘
多以前宰執為致仕官。若太子大師太傅太保以待宰相官
未至僕射者及樞密使致仕亦隨本官高下除授。太子少師
少傅少保以待前執政。其少師非經顧命不除。若本官至尚
書即除少傅。丞郎給諫只除少保。若因遷轉則遞進一官至

太師即遷司空。天禧末皇太子同聽政。乃以首相兼少師。
樞使曹利用兼賓客。自後東官皆不置。開禧三年史向知自
詹事入樞府。乃進兼賓客。已而太子侍立。遂以錢丞相兼太
子少傅。明年並置一相。左相改兼少師。右相兼少傅。元置太
子太師太傅太保。掌以道德輔導太子。少師少傅少保掌明
三師德行。以諭太子。而論諸道。其人不必備。
羣書要語。凡三王教世子。必以禮樂。立太傅少傅。以養之。欲知
父子君臣之道也。太傅審父子君臣之道。以示之。少傅奉世子
以觀大傅之德行。太傅在前。少傅在後。入則有保。出則有師。是
以教喻而德成也。師也者。教之以事而諭諸德者也。保也者。謹
其身以輔導之。而歸諸道者也。記文王世子。選天下端士孝悌

博聞有道術者以輔翼之故天子見正事聞正言行正道左右
前後皆正人也大戴禮樂正司業文師司成一入元良萬國以
貞貞正也司主也言樂正教以業文師教以成禮記尊敬

傳詩國之將興尊師重傅也漢詔先王之建太子必擇九德之

師六行之傳薛綜謝表實資六傳之賢用弘三善之益白集嚴

緩制太師太傅太保掌輔導皇太子少師少傅少保掌曉三師

德行以諭皇太子奉太子以觀三師之道德唐志三少之職掌

教諭太子舊唐書太子三師以道德輔教太子者也至於動靜

起居言語觀聽皆有以師焉續通典

古今事實

周召保傅

古今文集

雜著

經筵劄子

程頤

二代之時人君必有師傅保之官師道之教訓傳其德義保
其身體後世作事無不知求治而不知正者知規過而不知
德傳德義之道固已疎矣保身體之法無復聞焉臣以為傳
德義者在乎防見聞之非節嗜好之過保身體者在乎適起居
之宜有畏謹之心臣欲乞皇帝左右扶持祇應官人內臣並選
年四十五已上厚重小心之人服用器玩皆須質朴應華巧奢
麗之物不得至于上前要在侈麗之物不接於目淺俗之言不
入於耳及乞擇內臣十人充經筵祇應以伺候皇帝起居凡動

古今文集

卷之二

四

息必使經筵官知之有剪桐之戲則隨事為規違持養之方則應時諫止調護聖躬莫過於此

太子太師

羣書要語師範國儲唐陸集李勉制輔翼春闈是資教導陸宣

公集李勉太師制傳道元子師長庶僚唐孫述行信安王禕太

師制宜復天秩之榮俾極官臣之位同上作訓元儲許敬宗除

太師制晨謁金墀事功於忠憲夜隨銀燧義先於調護同上贊

翼皇儲允歸師保曲阜行收王範太師制來儀博望同上博望

太子苑名官師之尊曲阜行蔣之奇制

古今事實

費詛上疏曰昔者成王幼在襁褓召公為太保周公為太傅太公為太師保其身體傳其德義師導之教訓此三公之職也於是為置三少皆上大夫也曰少保少傅少師是與太子宴者也故乃孩提有識三公三少固明仁孝禮義以道習之遂去邪人不使見惡行前漢本傳

廣受師少

疏廣為太子太傅兄子受為少傅在位五歲皇太子年十二通論語孝經廣謂受曰吾聞知足不辱知止不殆今仕至二千石官成名立如此不憂有後悔即曰父子上疏乞骸骨公卿故人設相道供帳送者車數百兩道路觀者皆曰賢哉二大夫同上本傳

冷太子拜

太子拜

晉武帝時有司奏東宮二傅禮儀不同帝曰崇敬師傅所以尊
教前世之令典也何論臣與不臣其令太子拜之晉書

見輒先拜

唐順帝為皇太子禮重師傅見輒先拜順宗實錄

生即置輔弼

唐太宗謂庶子于志寧曰古者太子既生士負之即置輔弼成
王幼亦周召為師是也

請赴資善堂

宋朝仁宗為皇太子宰相丁謂馮拯兼少師少傅樞使曹利用
兼少保參政王曾樞副錢惟演兼賓客謂等因請師傅十日一
赴資善堂賓客以下集日互陪侍講學上從之石林燕語

銀印青綬

晉官品令云太子太師銀印青綬

始同二品

長孫無忌為太子太師同中書門下二品同二品自此始唐職

迎進賢門

晉東宮故事皇子詣進賢門迎師傅

居詹事府

馮定為太子詹事時宰臣鄭暉為太子太師欲於尚書省上事
定奏曰據六典太師居詹事府不各於都省禮上乃詔於本司
上事人推美之

詔答辭疾

唐太子承乾與魏主泰交惡帝曰當今忠寒貴重無踰魏徵遣
傅太子慰天下之望羽翼固夫即拜太子太師徵以疾辭詔太子
曰漢太子以四皓為助我賴公其義也公雖臥病可獲全之

遺表書劄

唐太子太師魏玄成薨太宗謂侍臣曰玄成已沒朕遣人至宅
就其書與得表一紙云天下之事有善有惡任善人則國安用
惡人則國亂公卿之內有愛有憎所宜詳慎若愛而知其惡憎
而知其善去邪勿疑任賢勿貳可以興矣朕思之恐不免斯事
公卿侍臣可書之於笏知必諫也

八十守節

顏真卿改太子太師李希烈陷汝州盧杞乃建遣真卿四方所

信若往諭之可不勞師而定詔可公卿皆失色李勉以為失一
元老貽朝廷羞表固留至河南府南尹鄭叔則以希烈反狀
明勸不行荅曰君命可避乎既見希烈時朱滔王武俊田悅李
納使者皆在坐謂希烈曰聞太師名德久矣公欲建大號而太
師至求宰相孰先太師者真卿叱曰若等聞顏常山否吾兄也
祿山反首舉義師後雖被執詎賊不絕于口吾年且八十官太
師吾守吾節歿而後已豈容若等脅邪諸賊失色唐本傳

八十如儀

盧鈞守太子太師帝元日大饗含元殿鈞年八十升降如儀音
吐鴻暢舉朝次歎

太子太傅

羣書要語 太傅審父子君臣之道以示之 漢賈誼策 寵極腰銀

榮深佩主 記室新書 保傳承華 鄭畋制承華太子門 文選曰遵

彼承華又曰高步承華皆謂太子諸官 ○升傳儲官 曲阜行姚

福大師制 東朝二品 行蔣九臯太傅制東朝太子朝也 文選曰

東朝既建 ○漢擇名儒任先疏廣晉崇頌德選在山濤 六帖太

子太傅日就月將琢磨玉質言太子有玉之質琢磨以道也 應

邵漢官儀

詩句灼灼英台我我德傳 沈約詩言太子太傅

古今事實

銀童青綬

太子太傅銀童青綬佩蒼玉 輿服志

佩冰蒼玉

二傅進賢兩梁冠黑介幘五時朝服佩冰蒼玉

諫嗜鮑魚

周文王使太公望傅太子發發嗜鮑魚望曰鮑不登于俎安有

非禮之物養太子哉

諫易太子

前漢叔孫通為太子太傅高帝欲以趙主如意易太子通曰太

子天下之本本一搖天下震動奈何以天下為戲帝曰吾聽公

言 本傳

言本傳

卷之二

二

視尚書位

梁太傅一人位視尚書令百官志

以名臣拜

後漢明帝鄧禹先朝名臣拜太傅

以驃騎領

王充以驃騎大將軍領太子太傅

擇保相材

齊王攸為太子太傅獻箴太子曰保相之材必擇賢明

為世儒宗

賀循為太子太傅時朝廷初建動有疑義宗廟制度皆循所定
朝野諮詢一時儒宗矣又循為太傅為世儒宗命皇太子親往

拜之

執子弟禮

晉東宮舊事皇太子於一傳執子弟禮一傳入見太子詣崇賢
門迎太子為一傳拜合答拜入坐對坐張勃傳

輦導太子

山濤為太傅講于宣武堂東步輦導太子

躬訓儲官

晉賀循為太子太傅詔曰循清真履道居身以冲約為本立德
以仁遜為行躬訓儲官默而化成中興書

為儲訓

傅暢晉公卿禮秩太傅止章少傅書真以為儲訓

傳論語

魯論語二十篇。太子太傅夏侯勝等傳之。論語序

傳不稱臣

魏太傅於太子不稱臣

見而正服

何夔字叔龍為太子太傅。每月朔太傅入見太子。太子正法服而禮焉。魏志

聞名禮召

吳程秉事鄭元。避亂交州。與劉熙考論大義。遂博通五經。權聞其名。儒以禮召。既到拜太子太傅。三國志

召對改容

吳張溫少修節操。孫權聞之。問曰：溫當今與誰為比？顧雍曰：當今無輩。召見。召對。觀者傾悚。權改容加禮拜。議郎選曹尚書奏太子太傅。吳志

召訪政理

唐趙宗儒太和初進太子太傅。文宗召訪政理。對曰：堯舜之化慈儉而已。願陛下守之。帝納其言。

疾病吟詠

白居易授太子太傅。進封馮翊縣開國侯。四年冬得風疾。伏枕者累月。乃放諸妓女。素蠻等。仍自為墓誌。病中吟詠不輟。皆推石奮。

石奮孝文時恭謹。舉朝無與比。太子太傅缺。選太子太傅者皆推奮。

遂為太子太傅奮子慶循行孝謹元狩元年立太子選羣臣可
傳者慶自沛守為太子太傅

即拜張佚

顯宗始立為皇太子詔問誰可傳太子者羣臣皆言陰識可傳
士張佚曰今陛下立太子為陰氏乎為天下乎即為陰氏則陰
侯可為天下則固宜用天下之賢才帝曰欲置傅者以輔太子
也今傅士不難正朕况太子乎即拜佚為太子太傅榮為少傅
後漢桓榮傳

奉觴為壽

陳廣字仲翁為太子太傅廣兄子受為少傅皇帝置酒太子躬
奉觴以為壽上甚嘉之後址上疏乞骸骨詳見總六傳

別案奉對

唐太宗伐高麗高士廉攝太子太傅仍典朝政皇太子下令攝
太傅申國公士廉朝望國華儀刑攸屬寡人忝膺監守實資訓
道此日聽政常屈同榻庶因咨白以祛蒙蔽但據案奉對情所
未安所司道別以一案供太傅

素服報恩

漢夏侯勝為太子太傅受詔撰論語年九十卒太后為勝素服
五日報師傅之恩儒者以為榮漢書

賜第私讓

唐于志寧遷太子太傅常與右僕射張行成俱蒙賜第志寧奏
曰臣居關左代襲其裘周魏以來基址不墜行成等新營左宅

尚少田園於臣有餘乞申私議

太子太保

臺書要語保也者謹其身以輔翼之而歸諸道者也文王世子
召公為保書君奭凡三王教世子入則有保記詳見總六傳入
則有保。保其身體賈誼疏春宮保氏曲阜除文金制春宮三
太名秩甚尊同上行蘇頌太保制

古今事實

以開府加

劉寔字子真以特進開府加太子太保王隱晉書

以特進行

懷帝以荀組為侍中特進行太子太保晉中興書

能保吾子

後魏顯祖將禪位於京兆王子推陸馥抗言皇太子聖德承基
四海屬望臣請勿頸殿廷有死無二父之帝意解語曰馥真臣
也其能保吾子遂以為太保

德導太子

唐蕭瑀為太子太保太宗曰三師以德導太子者也禮不尊則
無所取法

請朝五奏

張茂昭憲宗元和二年請朝五奏乃聽願留不許加兼太子
寵異分班

皇朝類集卷之十一

事類彙編卷之十一
宋朝王溥乾德二年罷為太子太保故事一品班於臺省之後
太祖因見溥曰溥舊相嘗竊異之即令分臺省班於東西國史

太子少師

古今事實

太子親拜

唐貞觀初李綱為太子少師為陳父子君臣之道聞寢視膳之
方聽者忘倦太子嘗問確古來君臣孝忠盡節之事綱慨然曰
託六尺之孤寄百里之命古以為難綱以為易每吐論發言辭
色慷慨有不可奪之志太子未嘗不從然禮待又綱有脚疾而
不堪踐履太宗令輿入東宮皇太子引上殿親拜之

太子行籍

房玄齡為太子少師時皇太子將行拜禮構禮以待之玄齡厚
自推損不敢修謁識者重其崇讓又曰姚崇事當考

議選蕭俛

文宗議選舊德保護東宮乃以太子少師召蕭俛

詔選玄齡

正觀中房玄齡為太子少師玄齡遜位詔不許太宗因謂侍臣
曰太子師係古難其選

分給院錢

王起改太子少師起治生無檢所得祿賜為童婢盜有貧不能
自存帝詔曰益仙館院錢議者謂與院臣分給可耻也起賴其

入不克遜

特賜步輿

李綱拜太子少師綱素有脚疾太宗特賜步輿令乘至閣下數引至禁中間以政道

乘馬入省

許敬宗為太子少師乾封初以年老不能行步特令朝日乘小馬入禁門至內省

兩李少師

元和以來宰相有兩李少師故以所居別之一日靖安少師一日永寧少師職林

黃畝少師

後魏郭祚領太子少師祚從世宗幸東宮明帝幼弱持一黃畝出養之時謗祚者號為黃畝少師

太子少傅

羣書要語少傅奉世子以觀太傅之德行而審諭之記漢桓榮之賜輜車晉山濤之乘小輦記室新書漢用名儒任先疎受晉推碩德選在羊公孔白六帖宮傅之亞淇水制可領調護之任白集行殿殺制俾登儲副之榮宋朝歲表太傅少傅並不朝朔

望漢故事

古今事實

張良臥傳

卷之二 十一

漢高帝謂張良曰子房雖疾彊臥傳太子時叔孫通已為太傅張良行少傅事

匡衡即對

匡衡為太子少傅數上書陳便宜及朝廷有政義即議經以對言多法義上以為任公卿

接以賓禮

王儉拜太子少傅朝議太子接少傅以賓友之禮南史

賜以車馬

後漢桓榮字春卿顯宗立為皇太子以榮為少傅賜以轎車乘馬榮大會諸主陳其車馬印綬曰今日所蒙禮古之力可不勉哉並漢書

賜乘小輦

晉山濤為少傅拜太子求退帝賜小輦乘之以訓太子白六帖

二世傳東宮

吳薛綜為太子少傅子榮孫皓時為太子少傅晉平吳子兼事元帝亦為太子少傅自綜至兼二世傳東宮

西面謝太子

孝明帝在東宮宣武皇帝欲以崔光為太子師傅光固辭帝令太子南面再拜宮臣皆從太子拜光北面立不敢答拜唯西面拜謝而出乃授太子少傅

秉德履道

山濤轉少傅詔曰秉德冲素心思潛通清虛履道有古人之風

秉德尚義

山公啓事皇太子始之東宮四海屬望保傅不可不高天下之
選羊枯秉德尚義克已復禮又尚年少可久其事

外參傳訓

周顛字伯仁拜太子少傅上疏曰臣學不通一經智不效一官
乃欲使臣內管銓衡外參傳訓質輕蟬翼事重千鈞此之不可
不待議而明矣晉中興書

得輔道義

華廙字長駿遷少傅得輔道之義

不言之益

周顛拜少傅詔云有不言之益並晉書

以老乞辭

唐張行成拜左僕射太子少傅未幾四年二月不用至五月行
成懼以老乞身制答曰古者策免垂罪已之義朕寡德非宰相
咎乃賜官女黃金器勅勿復辭行成固請

賜三傑詩

源乾曜為少傅與左右丞相宋璟張說賜宴尚書省帝賦三傑
詩以賜並唐書

定二傅拜

何曾議太子少傅當稱臣拜首顛曰太之與少自二傅之名決
爾非於天子有輕重也詔曰秦漢以來舊重廢滅隨時改作其
舊不可依用宜准古義遂定二傅不拜

疏受閑雅

疏受為少傅辭理閑雅

王丹正直

王丹為少傅名德重於當時又東觀漢記丹為少傅蹇蹇正直為太子少傅魏志

古今文集

雜著

少傅箴為太子少傅作

傳立

箴曰正人在側德義盈堂庖肆先入蘭臺不芳傳臣計敢告君主

又後魏時為少傅以調護是職乃作蕭園

箴曰愛惜日力寸陰毋棄親膳再飯寢門三至小心翼也太孝
忝忝詢謀計慮問對疑水安樂必敬毋忘戰兢

太子少保

羣書要詁東朝保傅歷代尊榮自集行嚴級少保制亞保春坊

淇水

古今事實

知公直士

唐李綱兼太子詹事頗乞骸骨高祖慢罵之曰建成在東宮遣卿輔道何為屢致辭乎綱頓首陳謝曰云陛下功成業泰頗自矜伐臣事太子所懷鄙見復不採納高祖謝曰知公直士勉

弼我兒於是擢太子少保上書太子曰綱德位保傳莫得效愚
鄙殿下飲酒過量非養生道凡為太子務孝謹以慰上心不宜
聽受邪說與朝廷生其間太子不擇

手勅稱名

李綱為太子少保高祖以其隋氏名臣甚加優禮手勅未嘗不
稱名其見重如此並唐書

賦詩歡會

唐李適之為右相李林甫密奏其好酒頗妨政事元宗感焉乃
除太子少保適之遽命親故歡會賦詩曰選賢初罷相樂聖日
銜盃為問門前客今朝幾箇來舉朝服其度量

太常換散秩

長慶中以兼太常卿趙宗儒為太子少保太常有師子樂備五
方之色非朝會聘享不作焉至是中人掌教坊之樂者移牒取
之宗儒不敢違以狀白宰相宰相以為事在有司執守不令關
白而宗儒憂恐不已宰相懦怯不任事故以散秩

輔臣領東宮

宋朝天禧四年以資政殿大學士王欽若為司空職如故欽若
以輔臣兼領東宮三少品序非便表換秩故有是命

新編古今事文類聚外集卷之一 終

事文類聚外集

卷之一

十七卷

新編古今事文類聚外集卷之二

新編古今事文類聚外集卷之二

南江 富大用 時可 官編

金陵 唐富春 子和 刊

東宮官部

太子詹事 附 少詹事

歷代沿革秦官 應邵曰詹省也給也 秩二千石漢因之掌太子

家位在長秋上竇嬰太后兄子景帝即位為詹事文帝以鄭
當時為景帝詹事昭帝以韋賢為詹事成帝鴻嘉二年省後
漢省詹事太子官屬悉屬少傅魏復置詹事領東宮衆務晉
以祿傳位尊不宜親細務武帝咸寧初用黃門侍郎楊珧為

詹事掌東宮之任。後省江左復置。齊置府領官屬。梁陳任總
官朝後魏有太子左右詹事。北齊東宮衆事無大小皆統之。
唐置詹事府詹事一人正三品。少詹事一人正四品。上掌內
外衆務。糾彈非違。總判府事。置少詹事以貲之。龍朔改端尹
少尹。咸亨復。垂拱改官尹。神龍復。宋東宮官有詹事。仁宗升
儲置詹事二人。神宗欽宗升儲並置二人。多以他官兼充。從
三品。少詹事正六品。元置太子詹事從三品。掌知東宮內外
庶務。統領判院事。少詹從四品。掌實詹事。

羣書要語儲端任顯。東西兩晉茲選特難。注儲端太子詹事也。

沈約齊安陸碑官端江總爲官端分紀詹事彈肅一官王璿谷

徐龜書彈違是屬宜肅事於東朝嗣許王太子詹事制儲端華

重寶其常司陸勝表官坊清班白集行張備制龍樓上僚宋榮

制弼諧儲副必俟才英總務官端允資忠蓋李寬冊漢朝選德

禮儀峻於寶卿晉代任賢光榮歸於謝琰博望斷裁之規興

情僉屬承華彈肅之寄任賢斯在並同上尚居端尹之榮李藩

制皇太子霞寒青殿日晃春宮駕紫谷之英振洛室之響自非

器上白雲韻同明月何以延芳芝苑插羽瓊條寶嬰威貴於西

京陸擘風嘉於東國伊人之美方丘可舉孔穉圭表

古今事實

青綬

晉詹事品第三銀章青綬絳朝服兩梁冠

衣錦

唐張行成轉太子少詹事。太宗東征，太子於定州監國，即行成本邑。太宗謂行成曰：「送公衣錦還鄉，於是令有司祀其先人墓。」

雅意墳史

劉憲遷太子詹事時，玄宗在東宮。雅意墳史，憲曰：「殿下儲副，非以尋章摘句要通大意而已。侍讀儲元亮經明行修，宜召問以察其言。」

妙選賢材

晉武帝以王恭為太陽尹，領太子詹事。恭讓表曰：「今日王儲始建四方是式，總司之任，崇替所由，宜妙選賢材，盡一時之勝。」

霸以經授

孔霸宣帝時，以經授太子為詹事。漢書

瑛上書諫

姚瑛遷詹事，兼左庶子，節愍太子稍失道。瑛凡四上書諫，中宗嘉歎焉。

據禮當集

馮定改太子詹事，鄭覃兼太子少師。上曰：「欲會尚書省定據禮當集詹事府論者多其正。」

征羌有功

晉謝琰征羌有功，為輔國將軍，領太子詹事。

舅得詹事

張謐女嫁盧氏，嘗為舅盧公求官。侯父下朝而問焉，父不語，但指楮床龜而示之。女歸告其夫曰：「舅得詹事矣。」

弟代詹事

鄭縱字利用為太子詹事縱卒弟代為詹事

不得詹事

羊琇少與武帝同年相愛常謂帝曰若得天下用我為領護軍太子詹事武帝即位琇但為左衛將軍不得詹事也

負外詔歸

嚴挺之徙絳州帝顧林甫曰挺之安在此其材可用林甫召其弟損之曰天子視絳州厚要當以事自解歸林甫見上且大用因給挺之使稱疾即奏挺之春秋高有疾幸得閑官自養帝恨叱久之乃以為負外詹事詔歸東都

長史屈除

高宗為皇太子轉李勣太子詹事右弼率太宗謂曰我兒新登儲貳卿舊長史故有此除雖屈階資可勿怪也 並唐書

弼諧審喻

唐李綱為太子詹事太子嘗遊有進魚者太子使膾之唐儉趙元鼎自言其能太子曰操刀膾腥和胛味公等善之若弼諧審喻則屬綱矣

文華無籍

陳後主在東京欲以江總為詹事孔奐曰江總有潘陸之才而無園綺之實輔弼儲貳切謂非宜後主深以為恨乃自言於宣帝將許之奐乃奏曰江總文華之人今皇太子文華不少無籍於總如臣愚見願選敦重之才以居輔道帝曰誰可奐曰都官

尚書王廓代有士德。立性敦敏，可以居之。後主時在側，乃曰：廓主泰之子，不可居。太子詹事，真又曰：宋朝范曄，即范泰之子，亦為太子詹事。後主固爭之，帝遂以總為詹事。

古今文集

雜著

辭免兼太子詹事奏狀

周必大

錫命自天，措身無所。臣竊惟儲端華重，今昔所向。漢韋賢質樸篤學，始膺委任。唐李勣至於舊長史，屈階資而為之。近歲以來，非老成端諒，然為世所推，則必於近臣中擇嘗任王府講讀及宮僚者。就兼是職，苟或異此，寧虛厥官。如臣不肖，行能淺薄，既無素望，又非舊人。驟預選掄，實駭群聽。此臣所以彷徨震怖，不

敢自恕而但已也。伏望陛下重青宮之屬，軫黃屋之恩，勿以反汗為難，而以掄材為急。朝多英望，亦有舊僚。改而命之，庶叶公論。具輸懇悃，必冀矜從。

左右諭德

歷代沿革：唐龍朔中置左右諭德各一人，掌侍從贊諭，職擬常侍。掌諭皇太子以道德隨事諷贊。皇太子朝宮臣列侍左右階出入騎從。宋東宮官有左右諭德，建儲則置，否則闕。仁宗神宗欽宗升儲皆置一人，並他官兼。乾道置一人，惟除左不除右。元置左右諭德，掌諭道德侍從文章之事。

羣書要語：東宮之有諭德，猶上臺之有騎省，清班優秩所選非

輕註白集元稹制 東朝諭導杜牧除郭鎮制 就列官坊申替諭之
美註白居易行崔承寵制

詩句直道侍太子 昌言天宸聰文選

古今事實

卿是東寮

唐德宗拜崔辛為諭德辛對東宮曰臣不識朝廷典故見殿下
合稱臣否東宮曰卿是東寮

公可太用

宋朝仁宗在東宮魯質肅公宗道為諭德一日真宗召使者及
門而公不在移時乃在肆中飲歸中使遽先入白乃與公約曰
上若怪公來遲當託何事公曰但以實告中使曰然則得罪公

日飲酒人之常情欺君臣子之大罪中使嗟歎而去真宗果問
使者具如公對自此奇公以為忠實可太用言行錄

楊汝礪兼

楊礪字汝礪真宗為襄王以礪為記室王甚重之東宮建兼右
諭德真宗即位召入翰林為學士東都事略

陳彥升擢

陳薦字彥升神宗為穎王薦為王府記室參軍神宗為皇太子
擢右諭德

左右衛率府率

歷代沿革 衛率秦官屬詹事漢因之後漢王門衛徵循衛士而

屬少傅魏因之晉武帝建東宮置衛率初曰中衛率太始五年分爲左右衛率各領一軍後又置中衛率是爲五率宋元嘉中置太子右衛率永初元年置太子後衛率梁左右衛率各一人隋左右衛各置率一人副率二人掌官中禁衛唐左右衛率府率各一人副率各一人掌東宮兵仗羽衛之政今總諸曹之事宋太子諸率府從七品元置太子左右衛率府率掌同衛導從儀仗事

羣書要語凡太子出前衛率道在前黃麾外左右二率從挾道輿車後衛率從在鳥皮外並帶戟執刀其服並視左右衛將軍晉志凡正至太子朝官臣率其屬儀仗爲左右廂之護衛出入如鹵簿之法唐職官志

古今事實

身居三職

李大亮拜左衛大將軍十七年晉王爲皇太子東宮寮屬皆盛選官臣以大亮兼太子右衛率俄兼工部尚書身居三職宿衛兩宮甚爲親信大亮每當直必通宵假寐太宗勞之曰當公宿直我便安臥

品爲第三

隋宇文述每與晉主謀事及晉王爲皇太子乃以述爲左衛率舊令率官第四品以述素貴遂進率品爲第三其見重如此

文武信義

太子左率缺宜得其才無疾患者城陽太守石崇忠謹有文武

河東太守焦勝清正著信義皆其選也 山谷啓

清和理正

車騎將軍荀悝山濤舉之為太子右衛率稱清和理正從容顧問動可觀采真待衛之美者

褚爽才藝

諸夷幼失父以才藝堪幹立名肅宗即位徵拜屯騎校尉遷太子左衛率 晉中典書

郗儉風神

郗儉為太子右衛率恢長八尺美鬚髯風神魁梧烈宗異之 卿當獨步

徐陵父摛為左衛率又表淑為太子左衛率謝莊為太子中庶

子時南平王獻赤鸚鵡普詔羣臣為賦淑文冠當時作賦畢示莊及見莊賦歎江東無我卿當獨秀我若無卿亦一時之傑遷隱其賦

書責遊巖

唐將儼除太子右衛副率時徵隱士田遊巖為太子洗馬在宮無所補儼貽書責曰足下負巢由之峻節傲唐虞之聖主養煙霞之逸氣守林壑之遁情主上屈萬乘之重申三顧之榮遇子以南山之客待子以不臣之禮將輔導儲貳漸染芝蘭爾皇太子春秋鼎盛聖道未周足下受調護之寄是可言之秋唯唯而無一談悠悠以卒年歲遊巖不能答

謀廢賈后

晉劉卞為愍懷太子左率知賈后必害太子乃問張華華曰君欲如何卞曰東宮雋又如林四率精兵萬人公居阿衡之任若得公命皇太子因朝使錄尚書事廢賈后於金墻當黃門力耳華曰廢止大事又非所能賈后微聞遷下為雍州刺史卞恐誅乃飲藥卒

僕正

歷代沿革僕秦官漢世太子五日一朝非入朝日遣僕及中允且入請問起居後漢太子僕一人千石主車馬職如太僕晉詹事屬官有太子僕銅印墨綬進賢兩梁冠絳朝服品第五主輿馬兼主親族如太僕亦正宋齊品服同家令從駕乘安

車次家令梁陳太子僕視黃門隨僕寺置一人唐龍朔中改僕寺為馭僕寺改僕為大夫掌車輿騎乘儀仗之政令及喪葬之禮物辨其次序與其出入而供給之元置太子僕正掌車正收弓箭儀物事又太子副僕正掌貳僕正

古今事實

柳肅面折

隨柳肅遷太子僕太子廢坐除名為民大業中帝與段達語及庶人罪狀達曰柳肅在官大見疎斥帝問其故荅曰學士劉臻嘗進章仇太翼於官中為巫蠱事肅知而諫曰殿下帝之家子位當儲貳誠在不孝無患見疑劉臻書生鼓捷唇舌適足以相誑誤願陛下勿納之庶人不懌他日謂臻曰汝何故漏洩使柳

蕭知之令面折我

左執貝善

歷代沿革唐置左贊善大夫正五品上掌傳令諷過失贊禮儀以經教授諸郡王龍朔二年改太子中允為之咸亨元年復置中允而贊善大夫不效又加置五人職擬諫議扶掌翊贊太子以規諷也皇太子出入動靜苟非其德義則必陳舌以箴焉宋贊善皆緣舊制除授而無職司元置太子左贊善掌道德侍從文章之事

古今事實

先諫官言事

唐白居易授太子左贊善大夫七月監殺宰相武元衡居易首上疏論其冤急請捕賊以雪國耻宰相以官官非諫職不當先諫官言事會有素惡居易者持披居易言辭浮華無行貶江州司馬

左右監門

歷代沿革文帝置擬監門將軍各有直長十人左右監門率各一人副率二人掌諸門禁錫帝改為宮門候左右監門率府掌東宮禁衛之法凡東宮諸司應以籍入于宮殿者皆本司具其官爵姓名牒門司門司送于監門監門之主與判曹印署送于門司門司會之同則聽入凡東宮內外門之守

者並司其出入凡財物器用之出入於宮禁者皆以籍傍爲據左右監門以出入之若皇太子出入則依鹵簿之法率其屬於牙門之左右以爲捍守番拱中改左右監門率爲鶴禁衛宋亦有左右監門元因之各掌門衛禁

典儀 附 贊儀

歷代沿革 秦置中庶子負漢太子太傅屬官有庶子後漢因之魏晉太子詹事有中庶子各四人司擬散騎侍郎品第五絳朝服武冠平巾幘掌禁令糾正違闕侍從左右宿相威儀盡規獻納奏事文書皆典綜之釋奠中庶子扶左庶子扶右隋唐庶子之職掌侍從替相禮儀駁正啓奏元有太子典儀掌

司贊禮儀事

侍正 附 侍丞

歷代沿革 齊太子有內直梁有內主爾王衣扶持等局各置有司以承其事陳因之隋門下坊領內直監唐因之職擬尚輦奉御龍朔二年改太子內直郎掌符璽繳扇几案衣服之事元置太子侍正掌冠帶衣服左右給使之事丞隨侍正輔丞之事

典食令丞 附 掌領令丞

歷代沿革 漢詹事屬官有食官令長丞後漢太子少傅屬官有

唐文頌卷之二十一

太子食官令一人秩六百石主飲食晉食官令職如太官令
宋中庶子屬官有食官令**齊**詹事屬官有食官令職儀食官
令一人掌厨膳之事建元中置食官丞四人**梁**庶子有食官
局食官丞**陳**因之**後魏**五品上**北齊**令丞又別領器局酒局
工丞太子食官丞一人門下別置典膳局監丞各二人**隋**改
為典膳正家令寺統食官令丞**唐**食官署令一人從八品下
掌領膳之事丞二人為之貳從九品下**元**置太子典食令典
食丞掌侍奉有饌又掌飲丞各一人掌奉香藥酒等事

古今事實

減膳上書

唐刑文偉遷太子典膳丞時孝敬在東宮罕曲官臣妾見文偉

輒減膳上書曰竊見禮記曰太子既冠成人免於保傅之嚴則
有司過之史徹膳之宰史之義不得不司過宰之義不得不徹
膳不今皇帝式稽前典妙簡英俊自庶子已上至諮議舍人及
學士侍讀等使翼佐殿下以成聖德近者以來未甚延納談議
不狎謁見尚稀三朝之後但與內人獨居何由發揮聖智使睿
哲文明者乎今史雖闕官掌當奉職奉備所司不敢逃死謹守
禮經輒申減膳太子答曰顧已庸虛早尚墳典每欲研精政術
極意書林但在幼年未閑將衛竭誠耽誦因即損心比日以來
風虛更積中奉恩旨不許重勞所以屢闕坐朝時垂學緒公潛
申勗戒式薦忠規敬尋來詣良符宿志自非精思審諭義均弼
諧豈能進此藥言形於簡墨撫躬三省感愧兼深文偉自此益

知言

司經

歷代沿革 **晉**太子詹事屬官有洗馬八人掌皇太子圖書經書職如謂者局准秘書品第七班同舍人下絳朝服進賢一梁冠黑介幘 **宋**亦置八人 **齊**一人 **梁**八人班第六正七品 **陳**因之 **北齊**二人從五品上 **隋**開下坊司經局置四人從五品下 **唐**因之 **龍朔**二年改為太子司經大夫咸亨元年復舊 **神龍**二年改司經局曰桂坊罷隸左春坊領崇賢館二年改司經大夫曰桂坊大夫糾正違失掌經史子集四庫圖籍刊緝之事立正本副本貯本以備供進凡天下之圖書上於東宮者

皆受而藏之 **元**有太子司經又有副司經掌經史圖書筆硯等事

古今事實

才望充職

梁庾於陵拜太子洗馬舊東宮官屬通為清選洗馬掌文翰尤其清者近代用人皆取甲族有才望者時於陵與周捨並擢充此職武帝曰官以久而清豈限以甲族時論美之

文雅登朝

荀邃字道玄拜太子洗馬戴若思特見欽重作詩頌之曰洗馬荀道玄既累葉重光才經文雅所以弱冠登朝 荀氏家傳

童奏作草

江統字應元召補洗馬每有疑滯大事童表奏議輒為同官所推當為之作草文士傳

俸料由已

唐常袞為相先是百官俸料寡薄袞與宰相楊綰奏請加之時韓滉判度支袞與滉各聘私懷所加俸料厚薄由已太子洗馬實司經局長官文學為之貳袞有親戚任文學者乃給十一手而給洗馬十手其輕重任猶如此

侍藥 附 奉藥

歷代沿革 北齊門下坊領藥藏局有監丞各二人正大品下侍藥四人正七品下隋門下坊領藥藏局監丞一人侍藥四人

監正七品下唐改為太子藥藏即掌和劑醫藥之事丞為之貳凡皇太子有疾命侍藥入診候以議方藥應進藥命藥僮擣篩之侍藥和成之將進官臣監帶如尚藥局之職元置太子侍藥太子奉藥掌奉醫藥

都監 附 同監

歷代沿革 晉有太子寺人監員隋文帝始置太子內坊有典內等員唐典內掌東宮閣內之禁及官人糧廩賜予之出入凡任典直以儀式道客主之儻序任閣帥以門戶任內闈以出入任給使以繳扇任內廐以車輦任典事以牛馬典內統而監主之元有都監同監掌東宮閣內儀物等事

司倉 附 副司倉

歷代沿革 後漢太子少傅屬官有太子倉令一人六百石主倉穀 魏晉已下無聞 後魏第五品中北齊家令寺領典倉署令丞 隋典倉丞二人 唐典倉署令一人掌九穀入藏之教及醢醢庶羞器皿燈燭之事舉其名數而司出納凡諸園圃樹藝者皆受令焉丞二人判署事元置太子司倉副司倉掌倉出給及薪炭等事

家令

歷代沿革 秦官屬詹事漢太子食湯沐邑十縣家令主之

後漢太子少傅屬官有家令秩千石主食庫飲食職比廷尉 魏因之晉家令品第五銅印墨綬進賢兩梁冠絳朝服 宋齊清流皆不為之 隋煬帝改家令為司府令 唐改為家令寺龍朔二年改家令寺為官府寺家令為官府大夫元置太子家令掌司禮儀法等

羣書要語 張晏曰太子稱家故曰令 家令之職掌皇太子之飲膳倉儲庫藏之政令總食官典倉司藏三署之官屬凡皇太子備禮出入則乘輅車具威儀先諸臣以導引若祭祀賓客則供酒食以為獻主 太子家令主倉穀飲食職似司農少府 後漢百官志本注 太子家令主內茵褥牀几諸供中之物及官奴婢月用錢內庫鹽米車牛刑獄 宋書

古今事實

以智囊稱

漢臧錯上書言人主所以尊顯功名揚於萬世之後者以知術數也皇太子材知高奇然於術數未有所守上於是拜錯為太子家令以辨得幸太子太子家號曰智囊

以賢良舉

疏受以賢良舉為太子家令

補吏部郎

晉武帝詔曰太子家令陸亮有忠心可補吏部郎

諫出遊觀

譙周後主為太子以周為家令後主頗出游觀增廣聲樂周上

疏諫曰昔王莽之敗豪傑並起跨州據郡欲弄神器世祖初入河北賢才智士思望所歸未必以其勢之廣狹惟其德之厚薄也蜀志

特被親遇

齊文惠太子入居東宮沈約為步兵校尉管書記時中宮多士約特被親遇每日入見影斜方出尋遷太子家令

文號宮體

梁徐摛屬文好為新變不拘舊體為皇太子家令兼管書記文體既別春坊盡學宮體之號自斯而起

婢識家令

沈約嘗侍宴梁武帝有妓婢師是齊文惠太子宮人帝問識座

中客否曰唯沈家令約伏地流涕帝亦悲焉為之罷酒

司藏

歷代沿革晉家令主物吏四人梁庶子屬官有錫賜庫局又有東宮衛庫北齊家令寺領司藏署令丞隋家令統司藏署令丞唐司藏令一人掌庫藏財貨出納管繕之法式丞二人判署事元置太子司藏副司藏掌庫財貨出入之事

新編古今事文類聚外集卷之二

新編古今事文類聚外集卷之三

南江 富大用 時可 編

金陵 唐富春 子和 刊

睦親府部

判睦親正事

歷代沿革判睦親正事即宋之太宗正司也自仁宗景祐二年始置太宗正司以皇兄江寧節度使允讓皇侄彰化軍留後守節同知太宗正事時宗室子孫衆多聚居大第故于祖宗後各擇一人知宗正事令敘睦之違則糾其失焉元豐官制行詔太宗正司不隸六曹太宗正以宗室團練以上有德望

者為之次一人為同知位高屬尊者為判掌糾合族屬而訓
 之以德行道藝受其詞訟而糾正其愆違有罪則先効以聞
 法例不能決者同上殿取裁凡宗室服屬遠近之數及其賞
 罰規式皆總之屬有記室一人掌牋奏講書教授十有二人
 分任隸授兼領小學之事崇寧元年蔡京請宗室非袒免親
 以下兩世欲於西京南京遷輔每處置敦宗院光宗即位改
 為睦宗院元置睦親府掌敦睦糾率宗屬欽奉王事有判睦
 親正事以宗室中屬尊者充又有同判睦親正事同簽睦親
 正事並以宗室充又置睦親正丞及知事諸睦親將軍副將
 軍檢法等員

羣書要語以親九族九族既睦

書堯典

周家忠厚故能內睦九

族

詩行葦

親親以睦

伐木

三從九親別疎睦之族

張晉傳

整訓

屬族次第昭穆

杜牧行李文學制

選諸近屬之尊董我太宗之

秩

曾子宣行宗晟制

司典屬籍克有令名

東坡除宗晟制

惟我

公族統于太宗崇敘訓齊創宏規於文祖

錢賜除宗晟制

總訓

齊於屬籍

宗景制

惟時賢亮司我本支

胡文恭行宗彊制

董正

宗牒

賜允弼詔

首秉宗司

同上

資大德之夙成賴九宗之治正

胡文恭集

董正宗籍

賜允弼

內以糾正於宗支

元厚之除宗伯制

古今事實

領宗正務

李勉都領宗正之務

鄭侯家傳

定讀書規

治平元年判大宗正事允弼言詳定到皇親讀書等賞罰規式詔依所定次第施行四朝國史

訓導行藝

神宗太宗正司同知官各一人以宗室團練使以上充掌宗室之教法政令以行藝訓導而敦睦之受其辯訴之事而糾其失違罪即先劾以聞即法例有疑不能決者同上殿取裁

舉劾過失

景祐二年二月太宗正司言皇族凡有違越過失請從本司舉劾從之

置自訟齋

趙宣簡公不息字仁仲知太宗正事始置自訟齋請賜書使宗

室有過者讀焉奏修宮學添弟子員訓勉宗室先教養後法戒薦其秀傑者數十人多至通顯所論天下事尤多

築聞義室

英宗在藩邸凡宗室人材能否皆詳知之頗賢宗惠及即位擇宗惠為同知太宗正事告以選任之意宗惠乃即所居築室曰聞義日與學士大夫講肄其間以身倡率宗屬

焚劄子檢

趙不息為太宗正司時歲大旱一日進九劄子上即施行退而焚其檢上知其忠親信之宴禁中公前為壽上令公滿酌飲之醕謂皇太子及嗣濮王等曰此賢宗室也葉水心集

詳酌奏請

詳酌奏請

景祐二年始置太宗正司以允讓與守節同領其事凡有奏請不得專達必宗正司詳酌而後以聞所以勉進其敦睦而糾正其愆失也

賜鞍馬

皇祐二年以允讓知太宗正事守節同知太宗正事仍賜襲衣金帶鞍馬時宗室子孫衆多方聚居於大第故於祖宗後各擇一人令敦睦之違失則糾正焉凡宗室奏陳先委詳酌而後聞仁宗實錄

賜甲第

仲忽入判太宗正事徽宗賜之甲第建親賢懋功之閣以示寵仲忽鯁亮端毅動循禮法立宗司法式四朝國史

父子司宗

元豐七年以宗景知太宗正事先是宗景父允弼司宗久故神宗復選而用之使諭其母先王父司宗正德及皇族令命而子繼之夫人宜多慰也四朝國史宗景

古今文集

雜著

增置同知太宗事詔

其略曰夫明德以親九族正家而刑萬邦古先哲王罔不由此朕嗣守丕業率循舊章惟星屬之敦和命宗臣而董正念其性本於仁厚宜廣學以勤修顧其日益於衆多必增員而統理庶乎協贊其職並修厥官式孚予休以副予意

賜士儀辭免太宗正司不允詔

朕惟卿資宗室之英擁將旄之重俾統盟於庶族用蕃屏於行朝庶籍本枝之強求圖龜鼎之固雖中外屬沾危之會而職休惟同姓之均蓋體詔恩即抵官守懇辭之語朕未欲聞所乞宜不允故茲詔示想宜知悉

睦親正丞

歷代公董神宗熙寧二年置丞二員以異姓朝臣充都官員外郎張稚圭知丞事光祿寺丞李德初同知丞事神宗疑用異姓王安石言前代宗正固有用庶姓時乃錄春秋時公族大夫事神宗曰此雖無前代故事行之何害安石曰聖人創法

不必盡循前代所已行者於是召稚圭對而命之元豐五年詔太宗正丞中書省奏差以文臣京朝官知元置丞二人因舊制也

羣書要語晉丞理籍慶元制爰禪訓齊往分糾正同上替浴公

姓人無間言曲阜集知太宗正丞崔公慶制

古今事實

相不能屈

田畫字承君人物雄偉議論慷慨俱有前輩之風入為太宗正丞宰相曾布欲收置門下不能屈言行錄自守無訛

曾恬少事楊時謝良佐陳瑾得存心養性之學及為太宗正丞

秦檜專政士未媚以取譽官恬自守無所詘中興係年錄

條上五事

知太宗丞謝俊上言至五事曰舉賢才以強本支更法制以除煩苛擇官師以專訓導繼封爵以謹傳襲修園牒以辨親疎詔內外從官各舉一人始立法大嚴學官又嚴襲封之典遂廢宗正有寺無官故俊言之時用俊議惟襲封食

古今文集

古詩

送王龜齡赴越州宗丞

周必大

冊府號真北一時聚奇材嗟我雖未至尚及相追陪胡子真老驥元黃蓋龍媒兩來厭名輶履踏遊九垓王子乃汗血疑是曲

極徠忠精貫日月聲名震陪儂君王市駿骨得此七尺駉秣以天山禾貯之黃金臺王勒繡羅鞍映帶文錦鞞謂言開道路亦復薄蓬萊乞歸丞相府連月書日向東郊治公姓笑渡滄江雷奉身信美矣體國安在哉帝家十二閑何嘗列駑駘遲子復立仗來歸勿徘徊

新編古今事文類聚外集卷之三

事類賦外集

卷之三

終

新編古今事文類聚外集卷之三

新編古今事文類聚外集卷之四

南江 富大用 時可 編

金陵 唐富春 子和 刊

王府官部

總王府官附

傳 府尉 司馬

文學 記室參軍

歷代沿革漢帝子為王王國置太傅相中尉各一人後每國置
郎中令一人晉諸王國大國有三卿左右常侍侍郎梁皇帝
皇子府置師長史司馬從事郎中諮議及掾屬錄事記室中
兵等參軍及文學主簿功曹等員嗣王府蕃王府則減後齊
王位列太司馬上置師一人餘官太抵與梁不異隋親王置

文類彙編

師友各一人文學二人長史司馬諮議參軍掾屬各一人主簿一人餘事功曹記室等各一人唐親王府傅一人諮議參軍及長史司馬掾屬主簿錄事諸曹各一人文學記室典籤各一人宋王府師傅係以兼官為之而無定員又有翊善直講贊讀記室及諸王宮大小教授等官元止置傅府尉司馬文學記室參軍

傅 漢高祖初置諸侯王有大傅輔導主魏晉因之宋齊梁陳皆為師後魏諸蕃主各有師傅北齊唯置師隋皇叔昆弟皇子為親王者置師唐因之開元改為傅五代後唐長興四年以秘書監劉贊為之宋有其官而無定員正三品元傅正四品掌師範輔道參議可否

府尉 漢諸王國有王府尉魏晉宋齊梁陳北齊並有中尉隋因之尉唐因之置二人正九品下掌分判國司事宋無其官元置府尉從五品掌警嚴侍從檢校門禁總統府中事

司馬 司馬主兵官宋齊諸王領鎮者各置一人梁陳後魏北齊隋並與長史同置唐因之置一人從四品下掌統理府寮紀綱職務宋有其官名而無定員元司馬從六品掌同府尉之事

文學 漢公府外郡並有文學魏諸王始有文學員晉宋齊梁陳皆因之班第五從七品後魏六品上北齊因之隋唐親王府置一人從六品上掌讎校典籍侍從文章宋置元復舊制從七品

記室參軍

漢三公及大將軍皆有記室令史主上章表奏板書
記魏太祖輔漢以陳琳阮瑀管記室軍國書檄名二
人所作晉諸公及位從公已上並置宋諸公府置梁
陳公府及王府皆置北齊因之隋唐親王嗣王府置
掌表啓書疏宋太平與國中置政和中以參軍行軍
之際所稱詔除參軍字元復舊名正八品

古今事實

有名必至 以下係傳

皇太子繹未乞自退封東海王故重選官屬以杜林為傳從駕
南巡狩時諸王傳數被引命或多交遊不得應詔惟林守慎有
召必至特受賞賜又辭不受帝益重之後漢

盡忠輒諫

吳儀字子羽南魯二宮初立儀以本職領魯王傳儀嫵上宮相
近乃上疏以魯王兼資文武為國藩輔二宮宜有降殺正上下
之序明教化之本書二西上為傳盡忠動輒規諫吳志

擇贊自傳

趙贊為秦王傳秦王從禁握兵而驕言者請置師傅以傳之太
臣畏王請王自擇秦王即請贊拜秘書監為秦王傳贊泣曰禍
將至矣五代史

知儀必儉

吳儀為魯王權傳盡忠規諫事上勤與久恭不治產業不受施
惠為屋舍才足自容鄰家有起大宅者權出望見問大室者誰

左右對曰似吳儀家權曰儀儉必非也問果他家吳志

治官廉節以下係府尉

孔申公弟子為博士十餘人孔安國至臨淮太守徐偃為膠西中尉其治官皆有廉節稱其好學史記

論語同異

淮陽王宣帝愛子器異其子欲以嗣王恃寵自驕乃用韋玄成為中尉以輔導之受詔與蕭望之等論五經同異於石渠閣三輔決錄

號將軍

梁孝王招延四方豪傑齊人公孫詭多奇計初見日賜金官至中尉號公孫將軍前漢

思中尉

劭弘字德裕時景帝為琅邪王請弘為中尉弘體素方嚴儀度甚偉雖私門接對悉委身隨使者潛至舍令使者進曰王有令弘徐理鬢冠履俯伏盡禮然後讀之王與使者羣立瞻聽歎曰古人稱不愧于屋漏其邵中尉乎吾乃逆詐以試長者豈不陋哉王虛心受納忻宴言語晝夜無休弘乃上書諫王書讀三四瞿然失色後謂左右曰思邵中尉之言使人于今毛豎前後

母為王吏

王吉為昌邑中尉以數諫王得減外髮戒子孫母為王國吏方外司馬以下係司馬

後魏王晞為常山王司馬在并州雖戎馬填間未嘗以世務為

累良辰美景嘯詠遨遊登山臨水以談燕為事士人謂之方外司馬北史

驢府司驢

謝超宗為黃門郎以失儀出為南郡王中軍司馬人問曰承有朝命定是何府超宗然望答曰不知是司馬為是司驢既是驢府正應為司驢有司奏以然望免禁錮十年南史

諫王不法

蘇良嗣高宗時為周王府司馬王年少不法良嗣數諫甚見尊憚

吾子賴卿

劉愷之拜相王府司馬帝謂曰卿家忠孝吾子賴卿師矩冀逢

在麻不扶而挺也

善詩賦

以下係文學

晉諸公贊扶風王年八十聰明善詩賦中表奇之魏列祖以為齊芳王文學

善辭藻

竟陵王子良開西邸招文學牛僧孺虞義丘國眉蕭又琰丘令楷江洪劉孝孫並以善辭藻游焉

不取貴遊

齊衡陽王好學善屬文武帝謂王儉曰衡陽王須文學當使筆實相稱不得止取貴遊子弟而已乃以太子舍人蕭敷為文學南史

精選賓友

晉鄭表魏武帝初封諸子為侯精選賓友表與徐幹俱為臨苗文學

察王舉措

山中恭王衮每讀書入學左右常恐以精力為病數諫止之然性所樂不能廢也文學方輔相與言曰受詔察王舉措有過當奏及有善亦宜以聞不可匿其美也遂共表稱陳衮美衮聞之大驚責讓文學曰修身自守常人之行耳而諸君乃以上聞適增其負累也魏志

作富貴箴以下係記室參軍

孫覺傳字莘老遷昌王府記室參軍王禮之問終身之戒覺為

陳諸侯之孝作富貴箴

陳進退節

神宗封淮陽王穎王韓維皆為記室參軍王每事咨訪維悉心以對至拜起進退趨揖之容皆陳其節四朝國史

專掌文疏

東海王越以孫惠為記室參軍專掌文疏每造書檄越嘗驛馬催之應命立成吳志

面叱巧令

竇儀為晉府記室賈琰為判官每諸王宗室宴集琰怡聲下氣褒讚捷給俛叱曰賈氏子何巧言令色之甚獨不損于心邪楊文公談苑

不可得而親疏

薛元敬薛收及族兄德音齊名世稱河東三鳳收為長雛德音
鸞元敬年最少為鷄雛武德中為記室元敬謹畏未嘗申款
曲於房杜如晦歎曰小記室不可得而親不可得而疏

不可有功名心

韓維字持國神宗初就外傳以維為王府記室神宗嘗與維論
天下事語及功名維曰人之功名因事始見人不可有功名心
神宗稱善國史

新編古今事文類聚外集卷之四

新編古今事文類聚外集卷之五

南江 富大用 時可 編

金陵 唐富春 子和 刊

節使部

節度使

歷代沿革古方伯連帥之職後漢劉虞為幽州牧就拜太司馬
公孫瓚討烏桓詔令授虞節度晉伐吳詔王守受杜預王渾
節度唐自武德至天寶以前邊防之制其軍城鎮守捉皆有
主而道有大將一人曰大總管已而又曰大都督至太宗時
行軍征討曰大總管在其本道曰大都督自高宗永徽以後

都督帶仕持節者謂之節度使然猶未以名官景雲二年以
賀拔延似充河西節度使自此以後接乎開元天寶之間朔
方隴右河東河西諸鎮皆置節度使緣邊之地凡八節度外
任之重無比焉至德以後天下用兵中原刺史亦循其例受
節度之別若諸州在節度使內者皆節度焉宋節度使並兼
管內官察處置等使以本州刺史長史為節度官察等使不
臨本部者以它官知判州府事防禦團練使刺史不赴本任
亦如之故事節度使不帶使相位在卿監下至乾德五年升
節度使班在龍墀內金吾將軍上無定員恩數與執政同初
除鎖院降麻禮尤異焉相宗以待宗室近屬外戚國婿年勞
久次若外任除殿帥始授此官亦止一員或有功勳顯著任

帥守於外及前宰執拜者不輕受政和以後宦官秉旄鉞者
蓋小員戚里以濫恩破格橫選者亦時有之政和二年詔節
度使以下更不帶持節字只稱某軍節度使元祐官品令節
度使從三品元節度使正四品

羣書要語元戎十乘 詩總元帥之任殿天子之邦 六帖 節制諸
侯紆繩列郡 重鎮雄藩 分麾授律 見牙木任 分閫重
寄 轅門幕府 將星人傑 鎮撫方城 藩屏邦國 外威
夷狄 內撫黎元 作捍方隅 以將王室 有國柱石 予
王瓜牙 旌旗重寄 河洛要冲 蘊佐命之才有今邦之任
偶唐虞之代立方邵之勳 並同上 幢牙其壽金巾栴羽 旆
旗旒 柳宗元集 寵任麾鉞 楊炎志 入奉廟笑出總師干 李受志

聖朝果外集

授鉞開府殿我南邦白集設壇而拜授鉞而征持衛義之印即

拜軍中授岑彭之節行於閩外元集初司戎鉞文集限守戎律

同上統節制之師貞否臧之律撫其四封率彼五長常集除節

度志制旌惟進善節以詰奸同上為王瓜牙為國藩垣韓愈上邢

君牙書擁節總戎率身和眾劉禹錫集豹尾神旗象境載靈韓

文龍旂四牡鈞膺鏤錫命服有煒先君再揚除集節度使碑壽

甲琬戈涇師以往隼旗驚尾涇俗以寧涇原節度劉昌碑時昌

為南邪王檢校僕射李國貞碑再麾飄飄而出守十乘隱轡以啓行常集龍節規旌

降於天上同上書書翠軸錫在掌中同上帥鉞將旌非功弗授曲阜

詩句紅旆將軍昨日歸白居易注藩鎮例駢紅旆詔出未央宮

登壇近總戎上公周太保副相漢司空可抱關西月旂翻渭北風岑參送李太保充渭北節度

古今事實

賜之旌節

唐節度使掌總軍旅顯誅殺初授具帑秣兵仗請兵部辭見觀

察使亦如之辭日賜雙旌雙節行則建節樹六纛中官祖送次

一驛輒上聞唐百官志天寶中綠邊禦戎之地置八節度使受

命之日賜之旌節謂之節度使得以專制軍事行則見節樹六

纛外任之重無比焉職官分紀

賜以樽勺

牛僧孺字思黯為山東道節度賜彘樽龍勺詔曰精金古器以

事文類聚

卷之五

三

比况君子

親王遥領

開元中剡主除安北大都護充安撫河東關内隴右諸藩部落
大使親王遥領節度自此始

宰相遥領

開元十四年河西節度副大使知節度使蕭嵩除同中書門下
平章事節度如故宰相遥領節度自此始

父子更九鎮

唐柳仲郢父子更九鎮

同日踐兩鎮

李朔字元真帝方經畧隴右徙朔節度鳳翔李師道反詔朔武

寧同日踐父兄兩鎮世以為榮

六遷大鎮

李晟克復市不易肆及愬平淮蔡復踵其美父子仍建大勳兄
弟籍父勳烈率以第宅相高惟愬六遷大鎮所處先人舊宅而
已耳

四佩將印

正中似為河西隴右節度使權朔方河東節度佩四將印勁兵
重地控制萬里近世未有也

烏集築戟

柳仲郢為太平軍節度使自拜諫議後每遷官羣烏大集於昇
平里第庭樹築戟架皆滿凡五日而散詔下家人以為侯除太

事文類聚卷之五

平鳥不集

持節就第

自至德後方鎮降拜必遣內使持幢節就第唐職林

八境築樓

唐節度使入境州縣築節樓迎以鼓角衛仗居前旌幢居中犬將鳴珂金鈿鼓角居後州縣齋印迎于道左從事二百洗印視其利闕歲以八月考其治否銷兵為上考足食為中考邊功為下考

臥護北門

裴度為河東節度帝命盧弘宣諭曰為朕臥護北門可也

堪富閻奇

唐玄宗求良將委以河東河北之事問郭子儀子儀薦李光弼堪富閻奇

賞罰分明

封常清北庭都護持節伊西節度常清性勤儉耐勞苦出軍乘驟私廐裁一馬賞罰分明

威令簡肅

李愿元和初為銀州等節度使威令簡肅甚得綏懷之術

政更寬恕

王周歷貝州涇州節度使涇州張彥澤為政苛虐民多流亡周乃更寬恕問民疾苦去苛弊二千餘事民皆復歸廬四鎮皆有善政

唐文苑英華

卷之五

政代寬簡

張洪靜徙節宣武承韓洪厯政代寬簡民便安之

秋毫無犯

郭子儀李晟為節度使收長安秋毫無所犯

令嚴無犯

令孤彰拜滑毫魏博節度使當寇衝城邑堰榛彰躬訓吏下檢軍力農法令嚴無敢犯者田疇大闢庫委豐餘年時貢賦如期

頗有治名

薛嵩相衛和洛等州節度使方大亂後人亦厭禍嵩謹奉職頗有治名

更除繆政

安潛代高駢領西川節度使倚駢為奸利者潛誅之數年更除繆政

公退端居

段秀實拜涇原鄭穎節度使三四年間吐蕃不敢犯塞清約率易遠近稱之非公會不聽樂飲酒私室無妓女無贏財公退之後端居靖慮而已

戎服待見

柳公綽使山南時牛僧孺罷相入江夏公綽具戎服於郵舍待之軍吏以漢上地高於鄂禮太過公綽曰奇章才離白席方鎮重宰相是尊朝廷也竟以戎容見之

為治嚴後

為治嚴後

裴玢授同州節度元和二年徙山南東道玢為治嚴稜畏遠推勢不務首奉蔬食敝衣居處取庇風雨而已倉庫充實百姓未嘗騰索

徐申進嶺南節度使外蕃歲以珠璣瑁香天犀浮海至申於常貢外未嘗騰索商賈饒盈

信懷義成

袁滋徙義成節度使滑用武地東臨淄北魏博滋嚴作而推誠信務在懷來李師道田季安畏服之居七年百姓立祠祀祭

威震兩河

却士美討王承宗遣大將王獻督萬人為前鋒獻恣橫士美斬以狗下鼓之大破賊憲宗曰固知士美能辦吾事承宗大震懼

會詔班師威震兩河

斬折七軍

高崇文元和初為右神策行營節度使統諸鎮討西川劉闢至興元軍中有折旅店之七著者斬以狗初闢擒東川節度使李康及崇文克棣州而歸康求雪已罪崇文以康戰軍失守斬之

誅舞文吏

柳公綽為山南東道節度使行部至鄧縣有二吏犯法一贓賄一舞文縣令以公綽守法必殺贓吏獄具公綽判之曰贓吏犯法法在奸吏壞法法亡誅舞文者

斬朱泚使

韋臯為營田判官權知隴州留後事朱泚既僭遂令家僮使于

皇又遣劉洵官授皇鳳翔節度使皇俱斬以徇於是進皇為祿
史大夫隴州刺史置奉義軍節度使以旌之

行守珪令

張九齡為相范陽節度使張守珪以裨將安祿山討奚契丹大
劔執送京師請行朝典九齡奏曰守珪軍令而行祿山不以免

許民也遷

張延賞為淮南節度歲旱民也遷更禁之延賞曰抱此而斃不
如通彼以生乃具舟遣之勅吏為修室廬已通債而歸者更增
於舊瓜步舟車津湊而遥擊江南延賞請度屬揚州自是行無
稽壅

禁俗不葬

李嵩檢校太原以北諸軍節度使太原俗為浮屠法死不葬以
尸投山谷餉鳥獸號其地曰黃坑有狗數百頭習食餉項為人
患更不敢禁嵩至遣捕羣狗殺之申厲禁條遂革其風

西道遂通

李臯遷荆南節度使凡戰大小二千一取州五縣二千斬首三
萬二千生擒萬六千未嘗敗師所過不敢伐桑棗踐禾稼朝廷
仰食江淮而淮西道出九江至大別皆與賊接臯轉戰數千里
餉路遂通江漢倚臯為固

南裔肅然

李復轉嶺南節度使時安南經略使高平止張應繼卒其佐李

之符制屬縣則大使判署用州印取之同上

三世節使

宋朝二世節度使一家吳琳子挺孫曦

四世節使

四世為節度使一家錢忱高祖倣曾祖惟演父景臻鄭藻大父紳父成之子與裔

五世節度

五世為節度使一家韓侂胄曾祖忠獻從子魏從孫同卿曾孫父子建節

父子建節十二家劉光世父延慶錢忱父景臻邢煥子孝揚韋淵子謙吳珍子拱吳璘子挺郭浩孫杲楊存中子俊劉錡父武

仲吳益子瑒瑛吳蓋子瓌吳挺子曦

兄弟建節

兄弟建節七家吳玠弟璘錢忱弟惇韋謙弟謹吳益弟蓋吳按弟挺吳瑒弟瑒李孝友弟孝純

古今文集

雜著

代郭子儀謝副元帥河中節度使表

邵說

寄深匡輔任切安危寵命逾臨憂惶如灼臣其中謝臣智術凡淺才略無聞承日月之光遇風雲之會首奉先帝猶以馳驅被甲即戎載惟寒暑比憑朝美克振天聲雖毫髮之功曾無足紀意不能掃蕩妖孽使八方攸同謬踐中樞仍叨上將分茅錫社

榮貫一時悽悽之誠切自增愧今又猥蒙驅策出鎮河東授臣以連帥之權委臣以專征之務雖才輕方名而任比栢文此陛下除奸之時乃微臣死難之日切見自古忠義之士莫不扶危救禍憂國忘家雖在暮年猶思報主則廉頗強飯馬援據鞍以臣方之有甚前哲軍國事重不敢固辭普竭股肱之力以副腹心之寄儻手歆獲展冠難克平殞身戎行實無所恨無任感恩

代郭子儀辭河東節度使表

邵說

祇拜休命內揣薄才委任專崇周章失據臣其中謝臣聞邊之安危係於所用事之成敗諒在先謀故寸壁必求良士尺金亦資善製况夫謀無智勇備列戎旃自守封疆頗淹歲月蕭將朝美翦滅兇徒此乃天功匪惟臣力陛下不遺天馬念以驅馳收

其分寸之勞加以丘山之賞禮因位重恩與日深常恐顛危不克負荷所以非有陳讓乞得范陽而手詔曲垂不家允許退就私室切愧明時素食之詩自臣攸作今又更承獎命兼以河東邊境相連三千餘里烽燧列警斥候須明雖則居安終資有備以臣獨制謂必無失然以能處一專身任一官猶擇其人且愧曠職况臣旁縮三節控帶數藩智有所不周心有所不及兵權倘失奔駟寧追實慮授受乖宜簡書是畏特望於臣不逮察臣愚謏更選良能付以旄鉞則樵夫絕議官序有倫

謝浙西節度使表

顏真卿

聖德含弘不遺簪履捨其罪戾假以麾幢感戴恩榮外生知報臣其中謝臣以為全吳舊國分閩重推煮東海以自資暫西河

而作固九州天險之地。六代帝王之都是。以魏文興嗟其從南
北之限。符堅恃衆。爰喪百萬之師。豈不以形勝是先。腹心斯切。
親賢重寄。鎮遏攸難。矧在庸微。寧堪及此。是以拜命之日。以榮
為憂。制書以本月四日至饒州。臣以今日發赴本道。取都統節
度觀察使李岷處分訖。即赴昇州。即當繕修甲兵。撫循將士。觀
察要害。以備不虞。假陛下英武之威。守陛下聖明之理。一心戮
力。上答天慈。伏惟陛下察臣愚衷。則死且不朽。無任感戴屏營
之至。

代辭節度使表

汪藻

誤恩隆洽。久蒙曠責之譏。小已兢慚。敢緩辭榮之請。具輸愚懇。
仰冒隆威。中謝伏念。臣早濫褒揚。後階華近。雖孤忠圖報。誓靡

殞以為期。然晚節知非。悟滿盈之可戒。昨侍言於帷幄。初休迹
於田廬。甫解煩機。遽頒異數。以章句小儒。而竊授方之寵。以斗
升素志。而叨制祿之優。方渙號之已行。固牢辭而莫獲。坐貪名
器。荐歷歲時。若猶冒昧以自如。將至顛墜而靡悔。伏望皇帝陛
下。特垂公聽。俯諒忱辭。鑄築壇節制之名。守留鑰允厘之任。豈
獨少安于分。願固將無累於恩私。既聖度曲全諒。保益謙之終
吉。况天威未遠。敢忘歸美之餘忠。

代薛門下辭免節度使表

汪藻

引疾辭榮。方幸機衡之解。疏恩越等。乃蒙旄節之頒。寧如滯谷
之臨。莫測雲天之施。輒布由衷之懇。仰干方命之誅。伏念臣承
學闕如。起家寒甚。早被聖神之遇。遂承丞弼之司。黽勉十年。周

旋三省妨賢最久自知罪戾之盈容跡每安實賴恩矜之至此
 失衛生之理益懷誤國之憂力丐投閑僅蒙賜可所願退安於
 散秩敢圖併受於隆名惟齋鉞臨師本人主待有功之士而祠
 廷置使亦朝家優元老之臣顧平時猶懼于素飭豈病質乃堪
 於微使伏望皇帝陛下不忘舊物深諒微忠量才能小大之宜
 盡庇覆始終之意特回渙號靡速煩言未泯餘生尚可筋骸之
 強誓堅晚節仰酬體貌之優

真定府總管謝上表

張太傅

河朔雄藩戎昭重柄猥承選用俯愧疎愚蒞事方初撫躬增悞
 中謝伏念臣素無器業孤奉明恩自塵換秩之勞荐被董戎之
 寄西人外鎮累分經討之權比虜近邊即授撫綏之任曾微績

效但擬替尤顧擯矣以誠耳居冗散而為戒敢冀皇明下燭寒
 灰復然召從江海之濱再立軒墀之下仍分戎柄燕處兵衝臣
 昨入侍禁廷及赴卑職將辭黼座親奉玉音矜其驅策辛勤察
 其遷徙煩併許令今任且俾安居雖均勞逸之宜實被丁寧之
 誨此蓋伏遇皇帝陛下熙隆寶運維御羣才特推求舊之恩得
 展自新之效矧又不兼它局專治兵家惟紀律之素嚴是詔條
 而慎守謹當愈堅成節曲盡訓齊無事之秋使營而知勸臨敵
 之際則授命以忘身冀竭愚忠上酬恩造

河西節度使廳壁記

楊炎

皇帝肇建節制之任位以上將王四方之兵濟河而西五侯四
 將十有六縣大海磅礴乎終始山河迴流其左右旄頭虎力之

勁劔服穹廬之長煌煌乎長車千乘橫合萬里皆主乎是邦故
 秦已上為戎都漢已下為巨防有城府襟帶焉有良將不動焉
 有五都污雜焉其風悍其國險鮮車龍服賢然相蕩非古之戰
 守曷以成其業而樹其風者哉昔在武德之初上用雄武大才
 則我隴西李王肅明乎神化太宗宰宇文公駙馬喬公出將我
 前軍中與之後循吏繼作則館陶侯郭公鸚鵡氏司馬公相國
 韋公蕭公庶績交修以被昇平之化當今王室多故雲海瀟騰
 則僕射哥舒公以縱橫之奇判總軍國其意者將復用雄武大
 才乎君子曰武德之官神以略其化成中興之政儉以行其
 俗阜當今之理動以合而人安宜乎盡天下之才隨質文之變
 以未來齋大康乎斯時天寶十一年夏六月記

邠州節度使廳記

鄭處晦

邠為古國其俗質而厚其人朴而易理業尚播種畜擾有后稷
 公劉之遺風始皇并天下地屬喬輔後漢析為新平郡後魏改
 置邠州國朝因之開元中詔以幽幽為疑因改為邠天寶已前
 太平歲久西通伊涼萬里而遠邠實為近郡申王薛王以親賢
 之貴居之太尉房公以盛德之重居之洎逆胡勃起幽朔西戎
 塵全湯湧乘艱難際盜據河右蕃兵去王城不及五百里兵由
 是為邊郡斥候近郊鎮要害太曆中尚父汾陽王始以朔方軍
 壯其威容後益選武勇驍健有膽爽奇謀者繼之今天子三年
 西戎款關獻河湟數州故地西鄙益託邠為近藩上念兵戎方
 息邊備愈遠始詔司空白公由丞相府持節來鎮丞相功成繼

命文雅忠恕之風煦然而起邊人若寢寤拭目心蘇醒始知
禮讓文化之為急務廷議以我季父尚書公前為夏帥東甌不
安寇盜弭息儲廩果實兵械果完懋賞林績遷鎮是軍季父又
以理夏之政移之於邠邠人嬉嬉莫為太私嘗觀屋壁志前帥
是軍者之名氏因曰曩之帥此者豈不知是邠始務公車而角
材堅壘未暇及此爾吾既承數君子大理之後敢不勤督吾之
味至者况今戎醜既夷不須獨以鳴鼓擊教擊刺為事因命疏
自開先已來刺是郡帥是軍者追書于屋壁季父尚書公曰吾
思將有以警乎吾前警乎吾後者邠之士實婦人無業績不能
自衣朔方之軍雄男子勇于公戰無他業以自厚故郡之人以
耕稼為事軍之卒以勇敢得賞後之撫于人者宜勉農畝時其

微調人不獲而完富夫帥于軍者宜嚴其刑賞時其衣食卒不
驕而勇敢矣人既完富卒既勇敢生聚之訓練之吾知青海之
西不數年為內郡矣命處晦記其終始序于前後處晦謹以季
父之言志于後將永於後之人俾無忘太中二年二月日記

邠州節度使院記

李直方

自西漢始置幕府得顯辟士其聘舉之盛與公府置吏王國命
官為比於是班固傳殺崔駰蔡邕陳琳阮瑀之徒出焉大抵
多巡禦封略經綏成事居無恒處秩靡常品故命之曰賓國朝
為方岳之任慎求其佐頒以職貢為之定制或辟自諸侯或降
于朝廷皆命于天子其所司也調政教之和策軍美之秘出入
聘覲應對賓客其止署也行有戎次處有公堂與方伯周旋彌

縫潤色而已王畿之腋劃為巨防外殿朝那作捍西羌中拱皇
 都以臨諸夏漆沮之仁既遠華夷之俗相狎非瓌材英傑莫與
 封守非莊明純固莫彙毗佐六年春皇帝勞韓侯牧圉之觀俾
 尹西夏申命御史中丞王君等九人為之使介既而師貞于律
 農勤其功惠和威武澤浸火烈孟秋述職曜兵河塞亭障蕭條
 千里晏清然後用虎旗蚺矛定功于蒲入觀皇都增秩受賜旋
 師舊服勳明德舉非元臣雄略能賢嘉績茂用濟此先是尚父
 郭公開府是邦搜賢勿二俊又咸集不十數年持樞衡治邦憲
 司詔命者咸布職於清朝今韓侯亦能詳延端士輔相威德則
 是府將來宜為駿賢之郊敷榮達之閭閭衛多君子邇其有之
 夫敬其事則命始春秋之誼也是邦當徵號朔方而以名師建

為三郡肇基於我書事舉德且始韓侯此記舊題於堂之北墻
 慮其自文字湮滅作者之文莫傳遂刻石以紀之李公自正字
 歷金吾掾廷寄長安主簿遷監察殿中侍御史左司員外郎今
 為韶州刺史其早與公遊知公異時之大來也庶斯文之不泯
 貞元二十年十月日記

鎮海軍使院記

羅隱

惟天子建國必維九牧九牧既序區分局署兩漢三公府有掾
 屬魏晉而降則置行臺若魏以秦王儀鎮中都高齊以辛術監
 治東徐州事皆行臺之任也其官屬則令僕以至於尚書丞郎
 唐制由行臺而置採訪使殆今節制之始也鎮海軍舊治京口
 太丞相以錢塘之衆棧漢宏西殲逆朗天子不欲易其土故自

符竹四命然後移軍於錢塘生以物宜租賦以復其舊址廣以新規廊閣開闔板起階級俾幢節之氣色貌武之出入得以周旋焉庚申年始闢太廳之西南以為賓從宴息之所左界飛樓石廟嚴城地登勢峻約而有敵肥楹巨棟間架相稱雕梁之下朱紫冉冉非若越之今而潤之舊也疆場之事則議之於斯聘好之禮則接之於斯生民之疾痛則啓之於斯軍旅賞罰則參之於斯非徒以酒食駢羅而語言嘲諷者也其府屬以下或入都舊將或從公于征或稟之於朝廷或拔之於鄉里故天子用青宮傳道之選以佐之較教民論道之任以副之其餘首秩卿曹職領相次自我朝藩服官屬之盛無加也噫大丞相之勲德既藏之天府而攀鱗附翼者非鐫刻樂石其可久乎是年冬

十月始命觀察判官羅隱記

防禦使

歷代沿革 唐武后聖曆元年以夏州領防禦使防禦使之名自此始開元二年薛訥為隴右防禦使天寶中安祿山犯順太郡要地當賊冲者置防禦守捉使代宗授田承嗣魏博等州都防禦使太率防禦隸所治州歲以八月考其治否以無虞為上考清苦為中考政戒為下考**宋** 公厚制置諸州防禦使**元** 置諸路防禦使掌防制盜賊事

羣書要語 朕之腹心 唐代宗永泰制 兵防之任 同上 宜進厥位 以稱禦侮之實 荆公除皇姪制 禦侮之寄 曲阜除曲珍制 列位

軍防淇水除皇伯克思制 正名閑禦之任樂城除曹評制 爰再爰再

扞防之秩龍溪制 升軍禦之任增使節之華除文奉行李希及

古今事實

虜不能犯

薛可言少帝即位遷潭州防禦使時虜寇魏博遊騎晨夕至河

上可言備豫有素虜不能犯

民皆便之

五代世宗時李玉為安州防禦使治郡寬簡民皆便之吏民數

百人詣監軍馮守規請立碑頌德詔中書令人富儀撰文賜之

州人立碑

鄒王世宗時為齊州防禦使歲不登以俸鈔分施饑民自隣境

來者亦均給之人懷其惠相率詣闕頌其德政立碑

郡人立碑

宋李漢超為齊州防禦使郡人愛之求為立德政碑太祖詔徐

鉉撰文賜之

邊夷畫像

楊政字延昭為防禦使屢有邊功天下稱焉揚為 楊無敵夷虜皆畫其像而事之云以禦鬼疾

新編古今事類聚外集卷之五終

早稲田大学図書館

011488600046